

LIJE'E SAN PABLO LOCUENA LINIĒ'EPA TIMOTEO

¹ Iya' ninPablo, nin'apóstol, epaluc Jesucristo. Tołta'a lixpíc'epa ĽanDios. Iya' nin'apóstol laifnuya'apa ticua: “Ja'ni toł'huaiyijnle Jesucristo, tepi'im'molhuo' al ts'e lołpitine aimijouya”.

² Quinił'ehuo' coje'e, ima' cumTimoteo. Ima' ai'hua aipic'a. ĽanDios cał'Ailli' y Jesucristo łalPoujna, titoc'itso', ti'nujuaitso', tipac'e'etso' lopicuejma'.

³ Iya' cax'najtsi'i ĽanDios, ilenDios cai'ailli' jouc'a lai'ahueló. Iłniya ihuejcopá, ma' anuli iya' qui-huequi jahuay laipicuejma'. Cacua: Cax'najtsi'i ĽanDios. Itine ipuqui' ma capalaic'o ca'nujuaishuo' ima', caxa'hue ĽanDios titoc'itso'.

⁴ Ca'nujuaishuo' ojojpa. Tołiya juaiconapa aipic'a caxingontso', tołta' tixoj'ma neta.

⁵ Ca'nujuaishuo' ma' al linca mepenufpa Jesucristo. Tołta'a epenufpa ate'a lo'ahuela Loida jouc'a co'máma' Eunice. Iłne a'i ma le'a mi'e'eyołtsi, al linca ihuej'me Jesucristo. Iya' cacua ima' jouc'a taihuequi.

⁶ Tołiya camihuo': Tomaf'i'ixoxi. Iłe litine laipo'nof'ipo' laimane' łujuac, ĽanDios epi'ipo' lopicuejma' to'eł'a lanic' lepi'ipo'. Itsiya aimixojto'.

⁷ Aimixpaij'mo'. Cal Espíritu Santo, łalapi'iponga' ĽanDios aimal'e'eyacongá' małsinyacu calaic'ata. Cal Espíritu lapi'iponga' lałpicuejma' al'ełe al cueca', al'ełsola' capic'a lałf'as xanuc', ałsc'ai'itsola' al c'a.

8 Itsiya camihuo': Ti'hua topalaico'ma laPoujna Jesucristo, aimotai'ma calaic'ata. Ni aimalatets'i'ma iya'. Jouc'a capalaicojma laPoujna, toliya al'noipa, altats'iya. Ja'ni toya'a'ma Lataiqui', loya'apa ile al c'a lixic'epa LanDios, ma toteico'ma. Toxic'ela' atelcole anuli. LanDios, itque No'epa al cueca', tepi'i'mo' copujfxi toxnet'Ha'.

9 Ma'que LanDios lunlu'eponga', aljoc'iponga' lana-jtsotsi lixcay, al'itsonga' i'huexi LanDios.

Ai'a tilajm'ma li'a lamats' LanDios alpalaicoponga', ticua: "Ihniya Jesucristo tepenuf'mola'. Iya' catoc'i'mola', capaxne'mola'." LanDios aiqiu'huaijma mixinya te ts'i'ic' la'eyacu, ja'ni ti'ila' al c'a o ti'ila' lixcay. Ma quituca' ixpic'epa altoc'itsonga', alpaxnetsonga'.

10 Itsiya joupa alsina' ma' al linca ihiya lixic'epa LanDios. Itque joupa altoc'iponga', alpaxneponga'. Cristo, itque Lalunlu'eponga', joupa imujpa to'ta'a. Licuai'ma fa'a li'a lamats' ulij'ma lamaya, alpo'no'iponga' litaiqui', ile lataiqui' laluya'apa. Luya'ayi: "Cristo tepi'ilhuo' al ts'e lo'pitine aimijouya. Aimimayacolhuo' nulemma."

11 Ma' ile Lataiqui' cuya'e', camuc'ila' lan xanuc', to'ta'a laipenic', iya' nin'apostol.

12 Tama catelma aicaxhuelmot'le. Aicaixina' calaic'ata. Quimetsaijma naitsi itque lai'huaiyijmpa, ca'huaiyinge LanDios. Joupa aicupoxi ticuaita li-mane. Aixina' al'e'ma cuenna. Ticuaitsi al Cuecaj Quitine alapenufna'ma.

13 He laimipo' ac'a lataiqui', aimete'quila'. Joupa oxina' to'ta'a lataiqui' lainu'ipo'. Al c'a mepenuf'ma ihiya laitaiqui', o'epa capic'a juaiconapa. To'ta'a lopicuejma' lepi'ipo'

Jesucristo. Itsiya to'nujuaisla' te ts'i'ic' ihiya lataiqui'.

¹⁴ Acueca' al c'a ile lopenic' lepi'ipo' LanDios, iñque ti'huaiyijnhuo' tomuc'iyaleña' al c'a ile Lataiqui'. Ne', toñe to'eña', aimopai'i'ma. Cal Espíritu Santo ñalapenufpa illanc' nañ'huaiyijmpá Jesucristo, iñque titoc'i'mo', añmana' anuli iñque.

¹⁵ Ima' joupá oxina' aicalimetsaicoconghua lapimaye nomana' ñamats' Asia. Toña'a ñañ'e'epa Figelo y Hermógenes.

¹⁶ Onesíforo ituca' li'ejma'. Iñque ti'hua lixoc'i neta. Tama añtats'iya, añfijncompa acadena catejma', ma' añejmalepá. Aiquixina' calaic'ata. Iya' caxa'hue ñañPoujna titoc'itsola' lixanuc' Onesíforo.

¹⁷ Cacia: Onesíforo aiquixina' calaic'ata. Licuai'ma fa'a liña' Roma ti'hua lahuay. Aimesqui: “Aimi'iya cahuejnya Pablo, aicaixina' pe lopa'a”.

¹⁸ Mañmana' lipiña' Éfeso añtoc'ipa juaiconapa. Toña'a oxina'. Caxa'hue ñañPoujna titoc'ña'. Ticuaitsi al Cuecaj Quitine ñañPoujna aimecani'e'ma.

2

¹ Mai'hua Timoteo, aimitafqueco'. Ti'hua taihuejcoña' Jesucristo. Toña'a LanDios ti'hua titoc'i'mo', tepi'i'mo' copujfxi.

² To'nujuaisla' te ts'i'ic' laimipo' ile litine lolafot'lepotsi imanc', ima' y lanxpela' lapimaye. Iñe litine nu'ipo' te ts'i'ic' lofmuc'iyaleya. Iñe lataiqui' tomuc'i'mola' lapimaye lof'huif'eyacola'. To'huif'e'mola' petsi ac'a naihuejpá, petsi joupá epi'impola' liñpicuejma' timuc'iyaleña, iñniya timuc'icona'mola' lapimaye.

³ Fa'a catełma. Jiłpe ima' aimi'iyā moyaicoya ma le'a al c'a. Totelco'ma jouc'a. Ma to mixnet'iyi lan soldado ima' jouc'a toxnet'łtsi. Cristo ticuxehuo', taihuejcoła'.

⁴ Mifule cal soldado aiminesya: “¿Te caifnuyaicoya al c'a lapajnya?” A'i. Joupā ipo'nopa lipicuejma' ti'ełā' ma le'a latentłcōpa lipincuxepa.

⁵ Ma' anuli lo'epa lan xanuc' nocuicalepá laipa'apa cafxi. Iłne ma tihuejcoyi lataiqui' locuxepola'. Ja'ni aimihuejma, aimulijya lapi'inyacu.

⁶ Cal xans no'epa canic', tefot'le łaipammaispa jiłpe łemats', iłque ti'i'ma cal te'a tite'ma lafot'łepa.

⁷ Topo'nołā' cuenna laitaiqui' laifmipo'. ŁałPoujna tepi'i'mo' lopicuejma' tocuec'ełā' taihuic'ıłā' jahuary.

⁸ To'nujuaisla' li'ipa Jesucristo, iłque lipajnta fa'a li'a łamats' ibisnieto cal rey David. Lijoupa limapa, ŁanDios imaf'i'ınapa. Tołta'a loya'apa Lataiqui' ile laifnuya'apa, ile lataiqui' tuya'e' al c'a lixpicepa ŁanDios.

⁹ Timana' petsi aimetenłcōcola' ile lataiqui' laifnuya'apa. Tołiya catełma itsiya. Al'onliconno to lixcay xans, alteł'minno. Tama iya' alfi'empa, litaiqui' ŁanDios aiquifiyiya. Iłiya lataiqui' tuya'aleyı, tepenufyi.

¹⁰ Iya' ma caxnet'ıqui jahuary ca'nujuaitsila' lapimaye iłne lo'huijf'epola' ŁanDios. Cacia: Ma mi'huaiyijnyi Jesucristo iłniya jouc'a ti'ıłā' quıłsina' tunłu'ela', ti'ıłā' quıłsina' ałınca tilaitsufcotola' ŁanDios, timetsaicotola' nulemma ixanuc'.

¹¹ Al łınca lataiqui' loya'apa:

Ja'ni joupá ałmanaponga' anuli Cristo, jouc'a ałmaf'i'im'monga', anuli ałmajnta pu'hua.

12 Ja'ni ałsnet'He to lixnet'łpa Cristo, jouc'a ałcuxeta anuli.

Ja'ni aimalimetsaicoyi, jouc'a aimalimetsaicoyaconga'.

13 Ja'ni aimal'eyi linca, ŁanDios tenant'li'ma litaiqui', aimalfel'miyaconga'.

Ja'ni joupá icupa cataiqui' aiminesya: “He lataiqui' a'i caicuac”.

14 Laitaiqui' laifmipo' ima' to'icona'mola' lapimaye nomana' jilpiya. Aimimenc'eco'me laitaiqui'. Tomitsola': “Toł'etsoltsi cuenna. ŁałPoujna tehuelongilhuo', ixina' te ts'i'ic' loł'ejma'. Aimont'e'e'moltsi to iłniya petsi ja'ni aiquilpic'a o aimetenłcocola' anuli lataiqui' tixtulecu. Petsi tołta'a lił'ejma' aimuyalaicoyacu al c'a. Jouc'a pe noquimf'epá timints'ela' liłpicuejma'.”

15 Ima' cumTimoteo, tahueła' latentłcocoya ŁanDios. Timitso': “Iya' nimetsaicohuo' ac'a lo'epa”. Al c'a to'eła' lanic' lepi'ipo' ŁanDios. Toxpijla' al c'a al Linca Cataiqui'. Tomuc'iyaleła' tołta'a. Ja'ni tołta'a loł'epa, litine tacaxingaitsi ŁanDios aimoxinya calaic'ata.

16 Aimont'ejmale'me petsi juaiconapa nopalaiπά. Iłne ailopa'a quilłmuc'iyale, lonespa tipa'acoyi quilłtuca' liłpicuejma'. Iłne ti'hua ti'e'e'moltsi xonca lixcay xanuc', xonca aimihuejconayacu ŁanDios.

17 Lomuc'iyalepa iłniya ti'onłcospa to al cuana. Tetelquiyaleyi, tima'ahualeyi. Tołta'a lomuc'iyalepa Himeneo y Fileto.

18 Iłne joupá imenajpola'. Aimihuejconayi al Linca Cataiqui'. Ticuayi: “Ja'ni joupá lapenufá al

ts'e laɬpitine, tocomma to joupa aɬmaf'i'iponga'. Tijoula' aɬmatsonga' ailopa'a xonca. LanDios aimaf'iacong'a." Iñiya lomuc'iyalepa timenac'ila' lapimaye, hualca aimihuejconayi to li'ipa.

¹⁹ Petsi LanDios ifa'epola' liɬpicuejma' aimi'iya mimenac'inyacola'. Iñe linca i'huexi LanDios. Toɬta'a loya'apa lataiqui', ticua: "LaɬPoujna timetsaicola' naitsi iñe lixanuc'". Jouc'a tuya'e': "Iñe pe nocuapá: LanDios aiPoujna, aimi'econa'me al xujc'a, tipalunca nulemma lixcay cane."

²⁰ Al cueca' cajut'i tipa'a axpe' capixú, ituca' ituca'. Tipa'a lilanc'ecompa a'oro o aplata. Jouc'a tipa'a lilanc'ecompa a'ec o ixitsqui. Tipa'a lapixú petsi lo'e'epa cuenna juaiconapa, ma le'a al c'a lo'nicoya. Ocuenaye a'i. Tixhuicoyi nij naitsi lani'.

²¹ Toɬna'a lapimaye. Lapima ja'ni tenajxoxi lixcay, ti'onɬcospa to al c'a capixu, tetentcoco'ma liPoujna, iɬque timetsaico'ma i'huexi. Iximpa joupa ilanc'e'empa lipicuejma'. LaPoujna litine tixpic'ela' ti'ela' al c'a tepi'i'ma lapima lipenic', iɬque ti'e'ma toɬta'a.

²² Ima' aimaihuej'mola' lof'as camijcanó li'ejma'. Iñe tihuejco'me lojanajpa iñe quiltuca' liɬpicuejma'. Ima' topo'noɬa' lopicuejma' taihuejla' al ijca, ti'hua to'huaiyijnla' LanDios, ti'hua to'etsola' capic'a lapimaye. Tonɬejmalete lapimaye nojoc'ipá laɬPoujna Cristo, iñe naihuejcopá, aimolixtuc'o'moɬtsi.

²³ Aimonɬejmale'me petsi nofulecopá lamac'ta cataiqui'. Petsi toɬta'a li'ejma' ma le'a tixtuc'o'moɬtsi, tifuli'i'moɬtsi.

²⁴ Lapima no'epa lipenic' łatPoujna aimi-fuli'i'mola' lipimaye. Itque tipalaic'o'mola' al c'a jahuay lapimaye, timuc'i'mola' al c'a. Ja'ni ti'eła' a'ijc'a anuli lipima, itque pe no'epa lipenic' ŁanDios aimixtuc'o'ma.

²⁵ Panca panca tixc'ai'i'mola' itne pe aimihuej-coyi. Aimijaic'o'mola'. Aga ŁanDios titoc'i'mola' tixhuej'menacu. Ti'ila' quilsina' te ts'i'ic' al Linca Cataiqui'.

²⁶ Tołta'a tilanc'e'ena'mola' liłpicuejma'. Aimi-manecu petsi lic'aiłpola' łonta'a, tunłul'me. Itque łonta'a joupa li'e'epola' to lixplic'epa, i'nołpola', itats'epola'.

3

¹ To'nujuaisla', tocuec'eła' lo'iya lijoujma qui-tine. To'nujuaisla' ti'i'ma ipime lapajnya.

² Lan xanuc' ti'e'mołtsi capic'a ma le'a quiltuca', tixim'me acuanuc' liłtomí, tipalaico'mołtsi acueca' al c'a, tetets'i'me liłf'as xanuc', tinesc'e'me cataiqui'. Aimicuec'eyacu lił'aillí, aimix'najtsi'iyacu itne pe notoc'ipá. Ti'i'ma ma lixcay liłpicuejma'.

³ La'aillí liłnaxque' aimi'eyacołtsi capic'a. Aimimenc'e'econayacu ja'ni lixcay li'empola', ti'hua tixtuc'oyi. Tixahuale'me, aimicuxeyacołtsi al c'a, timuj'mołtsi oyac'la juaiconapa, tixtuc'o'me petsi no'epá al c'a.

⁴ Ticufquim'mola' loyejmalepá. Aimixpic'eyacu al c'a lo'eyacu, tołta'a ti'e'me pangay nixpiya. Ti'e'e'mołtsi to acueca' liłpicuejma'. Aimicuaispa quilpic'a ŁanDios, xonca itpic'a lixołjma cata.

⁵ Iñe tama ti'hua texc'onñingolaiyi joupa etets'ipá ËanDios, aimihuejcoyi. Xonca tihuejco'me lojanajyacu jilpe liłpicuejma'.

Aimaihuej'mola' iñe lan xanuc'. Ai-monlejmale'me, tanajxoxi.

⁶⁻⁷ Lan xanuc' lił'ejma' to laifmipo' iñe ma infel'miyale. Tehueyi te co'iya mitsufilaiyacu lajut'hi. Jilpiya tifel'mi'me lacał'no' petsi aimixpic'eyi liłpicuejma'. Iñiya lacał'no' iłtaic' acueca' quiljunac'. Tihuejcoyi ni tintsı cataiqui', iñiya lataiqui' petsi iñiya quiltuca' tıjanajyi, tixinyi tetenłocola'. Ti'hua tiquimf'eyi jahuay lomuc'impola', aimicuec'eyi. Ni micuec'eyi te ts'i'ic' al Ëinca Cataiqui'.

⁸ Iñiya lan xanuc' petsi ituca' lomuc'iyalepa ti'onłcospola' to Janes y Jambres. Iña'a loquexi' ipa'ne'me litaiqui' Moisés. Tołta'a lił'ejma' iñiya lomxiye, tipa'neyi litaiqui' ËanDios. Iñe iminscola' liłpicuejma'. Joupa imujpołtsi aimi'huaiyijnyi ËanDios, iłque aimimetsaicola'.

⁹ Ëinca, itsiya tocomma ti'hua tulijyi. Ai. Aimi'ıya mulijconayacu. Iñe Janes y Jambres imetsaicompola' liłpamac'ta. Ma' anuli timetsaicom'mola' iñiya lan xanuc' lainescopola'.

¹⁰⁻¹¹ Ima' a'i tołta'a lof'epa. Joupa mepenufpa laitaiqui' laifmuc'iyalepa. Tołta'a taihuequi. Ima joupa ałsimpa lai'ejma', ałsimpa te ts'i'ic' laifxpıc'epa, ałsimpa te ts'i'ic' lai'huaiyijmpa ËanDios. Ałsimpa aıquixtumma, ałsimpa ca'ehuale capıc'a ma to ca'ay capıc'a ËanDios. Ałsimpa caxnet'ıqui jahuay ma lahuenno ał'enla' quıxcay. Ałsimpa laıftelłcopa, ałsimpa te ts'i'ic' lainıyaıcopa jilpiya liłelolıya' Antioquıa, Iconio y Listra.

Atsimpa lahuenno, lihuetsuquimpa. Linca latPoujna alunhu'epa jahuay ihya.

¹² Itsiya camihuo': Petsi joupa nepenufpá Jesucristo, ixpic'epá tihuejco'me LanDios, ihniya linca tehuem'mola', ti'entsola' quixcay.

¹³ Lixcay xanuc' jouc'a linfel'miyale jahuay ihniya ti'e'moltsi xonca axujc'a xanuc'. Ti'hua tifel'miyale'me, ti'hua tifel'mi'moltsi.

¹⁴ Ima' cumTimoteo joupa omihuic'ipa Lataiqui', joupa o'epa linca. Ti'hua taihuejla' tohta'a, aimanaj'moxi. Ima' oxina' naitsi ihne limuc'ipo' ile Lataiqui'. Omimetsaicola' ac'a lhpicuejma'.

¹⁵ To'nujuaisla' lomuyaicopa. Maj ma'hua omimetsaicopa al Paxi Linikingiya. Ie linihya linca ti'hua tepi'ihuo' lopicuejma', tunhu'e'mo'. Totta'a ti'i'mo' ja'ni ti'hua to'huaiyinge Jesucristo.

¹⁶ Ie al Paxi Linikingiya lan xanuc' aiquilipa'e quiltuca' lhpicuejma'. Ma minihya, h'Espíritu LanDios timuc'ila' te lainihya. Tohiya ile a'i ninaitsi cataiqui', mane itaiqui' LanDios. Ja'ni tomuc'itsola' lapimaye, ja'ni toxc'ai'itsola', ja'ni totaletsola', ja'ni to'itsola' te ts'i'ic' al c'a lo'eyacu, jilpe litaiqui' LanDios taipa'a'ma lofmuc'iyacola'.

¹⁷ Tohiya ma mo'ey lanic' lepi'ipo' LanDios ti'i'ma to'e'ma al c'a. Ma' o'hueca litaiqui' LanDios ailopa'a quehue'epo'. Ac'a ti'i'ma totoc'i'mola' lapimaye.

4

¹ Itsiya caxc'ai'ihuo', camihuo' lof'eya. To'nujuaitsola' ca'Ailli' LanDios y Jesucristo latPoujna, ihne tehuelojnhuo'. LatPoujna ticuaiyunni ticuxela' timuj'moxi ihJuez jahuay lan xanuc'. Ja'ni

ts'ihmaf'i', ja'ni joupa imanapola', jahuay tixim'me tolt'a'a.

² Camihuo': Ti'hua toya'ala' Lataiqui'. Ti'hua to'ela' lanic' lepi'ipo' ËanDios. Aimocua'ma: "Aimi'iya". Toxc'ai'i'mola' lapimaye, topalaic'o'mola', ti'ila' quilsina' ja'ni a'ijc'a lo'epa. Ja'ni oxina' a'ijc'a lo'epa, totale'mola'. To'itsola' te ts'ic' al c'a lo'eyacu. Tolt'a'a taixpi'i'mola' quileta. Topalaic'otsola' al c'a. Panca panca tomuc'itsola'.

³ Iya' camihuo' ti'hua tomuc'itsola'. Ticuaihuo litine lan xanuc' aimicuayacu. Ti'e'me laic' al c'a lomuc'iyalepa. Quiltuca' tehue'me quipomxiye, ilne latentcocoyacola'. Tefot'lem'mola' axpela' lomxiye. Ilpic'a tiquimf'ele ituca' ituca' cataiqui', aimicuaicospa quipic'a nulemma.

⁴ Al Linca Cataiqui' tetets'i'me. Ille aimiquimf'eyacu, ti'e'moltsi atalpe. Xonca ilpic'a tiquimf'ele ni tintsi cataiqui' loya'apa lan xanuc'.

⁵ Ima' aimoxhuelmot'le'ma. To'huijla' lopicuejma'. Toxnet'Ha' jahuay latecoya. To'ela' lopenic' ile lepi'ipo' ËanDios. Toya'ala', tomuc'iyalela' Lataiqui'.

⁶ Iya' aixina' aimalcoya fa'a li'a lamats'. To-comma ma' itsiya tic'equi laijuats', catsufcoyoxi ËanDios. Ma le'a lahue'e' alma'anla'.

⁷ Joupa nipa'apa laipujfxi, joupa nulijpa. Aijou'nepa laipenic', ile lanic' lalapi'ipa ËanDios. Lataiqui' lai'epa linca, male Lataiqui' ti'hua ca'ay linca, ti'hua cuya'e'.

⁸ Itsiya, ¿te xonca caif'huaicoya? Linca pu'hua tipa'a lalapi'inya. Ticuaitsi al Cuecaj Quitine al'najtseta laipoujna, ilque cal Cuecaj Juez, alijca lo'epa. Ilque alimetsaicota lai'epa al c'a. Ai ma

le'a iya'. Limetsaicotonga' jahuay petsi ał'huaicoyi ticuaiconanni Cristo. Tixoj'ma calata lapenufta.

⁹ Ima' cumTimoteo, aimicołto' jilpiya. To'huanni, ałsim'mołtsi.

¹⁰ Demas joupa i'huanapa, ałpo'nopa fa'a caituca'. Iłque aiquicuac' mi'hua mitełcoconaya. Xonca ipic'a tuyaicoła' al c'a capajnya fa'a li'a łamats'. I'huapa liłya' Tesalónica. Crescens i'huapa łamats' Galacia. Tito i'huapa łamats' Dalmacia.

¹¹ Całtuca' ałmana' fa'a iya' y Lucas. Tahueta' Marcos. Toleconni fa'a. Iłque ałtoc'i'ma. Ał'e'me lipenic' ŁanDios.

¹² Tíquico jouc'a ailopa'a. Nummepa liłya' Éfeso.

¹³ Ima' litine to'huanni ałtaic'uenanni laipoxa laipo'nopa liłya' Troas, lejut'ł Carpo. Ałtaic'ue'enni jouc'a łaije'e, iłne lilanc'ecompa ixmi. Iłne xonca ticuicomma.

¹⁴ Alejandro, iłquiya łinlanc'ot'łepa tixhuijma acobre, iłque ał'e'epa juaiconapa quixcay. Iłe lixcay lał'e'epa, nuli ti'najtsi'ina'ma lałPoujna.

¹⁵ To'exoxi cuenna iłquiya cal xans. Aimo'huaiyijm'ma. Juaiconapa ałpa'neponga' illanc' lałtaiqui'. Aimicuaicospa quipic'a.

¹⁶ Ate'a lałjoc'impa catalai'e'etsola' petsi lałcufpa, nij naitsi lałtoc'ipa. Lałejmale inulna'me, ałpo'nopa caituca'. Caxahue'e ŁanDios timenc'e'ecotsola' iłta'a lał'e'epa.

¹⁷ Tama iłniya ałpo'nopa caituca' aicalpo'nohua łaiPoujna Jesús. Iłque ałtoc'ipa, lapi'ipa caipujfxi. Ixpicepa ti'hua cuya'ala' Lataiqui', caxhuai'niła' iłe laipenic'. Ni petsi lomana' lan xanuc' pe aimimetsaicoyi ŁanDios, ti'ila' quilsina' te ts'i'ic' Lataiqui'. Tama tocomma joupa ał'nołpa calxmu,

aŋma'a'ma, aŋtejn-na'ma, ƁanDios lunŋu'epa. Ti'hua ca'eŋa' lipenic'.

¹⁸ Ɓaŋ'e'epa lan xanuc' aimalulijya. ƁaŋPoujna Nopa'a lema'a ti'hua lunŋu'e'ma. Aŋ'econa'ma cuenna. Aŋmajnta anuli iŋe litine tixinim'me locuxeya. Ma' iŋque timetsaiconŋe anDios. Tix'najtsi'inŋe itsiya litine jouc'a Locuena Quitine. Toŋta'a ti'iŋa'. Amén.

¹⁹ Tomitsola' Priscila, Aquila, jouc'a lixanuc' Onesíforo: “Pablo tinonghuo”.

²⁰ Erasto ipanemma liŋya' Corinto. Tróximo textafque. Aipo'nopa liŋya' Mileto.

²¹ Aimicoŋto' jilpiya pe lofpa'a. To'huanni ai'a ti'i'ma Ɓaxita quitine. Tinonghuo' Eúbolo, Pudente, Lino, Claudia, jouc'a jahuay lapimaye nomana' fa'a.

²² Ti'iŋa' coxina' ƁaŋPoujna Jesucristo tipa'a pe lofpa'a. ƁanDios titoc'itso', tipaxnetsolhuo' jahuay imanc'.

Lataiqui' loya'apa ñe al c'a lixpíc'epa LanDios
New Testament in Chontal, Highland Oaxaca
(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021

6400fb6e-80e3-5cbe-8b37-1a879c9db6c6